

漢名臣傳 廿二下 止

庫	文	閣	內
三八函	一六冊	二三〇五號	漢書類

庫	文	閣	內
二九〇	二	三	漢

內閣文庫			
番號	漢	2305	
冊數	160 (160)		
函號	290	43	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



李湖江西南昌人乾隆四年進士十三年授
山東武城縣知縣調剡城二十年遷寧海州
知州二十六年遷泰安府知府調直隸大名
府復調保定府三十二年遷通永道調清河
道三十四年遷直隸按察使三十五年遷江
蘇布政使十二月陳奏社倉三條一社長以
司事三年爲限遞木社殷寔監生或誠實鄉
民充之一春借秋收州縣官核實社長所報
應借戶口記簿定期赴領委佐雜教職督發

秋後示期征收禁刁民強借過期不交者比
追一社長于春借秋還赴官稟報到倉開驗
如官吏假造冊出結苦累社長嚴叅懲治從
之三十六年擢貴州巡撫七月侍郎錢維城
自黔鞠獄還奏古州兵米以折交爲便請
勅巡撫查明妥辦湖奏言貴州兵糈俱於駐
劄地方征給無需挽運惟古州丹江浪洞鎮
遠合拱清江及入寨牙丹坡東等處苗疆米
少不敷定議輓運今因一二流弊盡翻全局

恐歉歲汎地米昂採買價騰浮于運費有碍
民食兵糈查平越府及黎平平趨開泰等縣
現收折色本汎便於採買卽明立章程官爲
改折以杜積弊而省運費其各屬撥濟營糧
並無折交仍循舊例從之又條奏鉛運章程
一現存未運鉛九百餘萬斤年久停滯無由
清厘新舊並催恐挪移滋弊請勒限一年運
竣舊鉛再運新鉛一積年存運鉛斤及發過
腳價先查追領銀攬運之戶其承辦出結官

滇省民傳
督催不力上司分別攤賠一舊鉛運費暫于
存貯鉛本腳價內先行借支俟起運後勒追
歸欸輓運可免稽滯一威寧水城廠鉛向來
直送永寧前撫臣劉藻奏改由大定轉運府
局馱馬少仍向威寧募雇應仍舊例一鉛斤
工本運腳銀歸藩庫兌收貴西道按季領發
一各廠起運會歸畢節宜堵北路馬歸中路
以杜統徑偷藏之弊其自廠至中西兩路直
抵永寧按站設卡令書手巡役關會催察一

派佐貳官駐永寧兌收按旬彙報並知會原
廠查對廠簿即可知已發未到之數下部議
行三十七年五月調雲南巡撫六月酌議銅
務十條一欸欠宜分別追賠廠民領本銀開
採欠銅無可著追者督臣奏請豁免自三十
七年爲始于通省應交工本銀兩預扣平餘
抵補至課長尅扣分肥爐戶侵吞入已惟概
以廠欠追賠積欠日多嗣後請照常入盜倉
庫錢糧例計贓科罪一禁浴習陋規銅廠初

漢名目傳卷三十二
開各衙門俱有使費廠員發銀亦多尅扣現
已勒禁工本銀向皆廠員赴省具領應令藩
司按廠核明銀數包封粘印由該管道府轉
發廠員同課長驗明發給一京銅改解紫板
查礦砂鍊淨色紫名曰紫板再用松炭熔液
形似蜂窩名曰蠟壳外省向用紫板京局解
運蠟壳年久砂乏附近松木無餘每至停爐
待購請暫改用紫板俟松木滋生仍解蠟壳
一酌給水洩銀兩廠礦開深水積提洩維艱

請核給工費于錢局及銅斤餘息項內支銷
一多備各廠食米銅廠坐藩山等市遠米昂
前督臣明德奏借工本銀官爲採買運廠給
食湯丹各舊廠運米尙覺不敷請照新廠例
備卒年食米動支工本銀發附近州縣代買
貯官聽爐戶分買每米一石收息銀二分爲
建倉費用並購煎鍊所需油炭一體借給一
酌增爐店貯銅以濟京運查湯丹等廠額辦
京銅由東川尋甸運至四川爐店兌發水陸

迢遞每年市運開幫之時尙非厥銅抵瀘之
候尙有存銅一百數十萬金通融兌撥自以
爐銅改給陝西採買並墊發沉失等項遂不
敷撥京運始待本年現辦之銅供本年起運
之用前撫臣諾穆親奏添撥尖山銅一百萬
斤運瀘備兌尖山礦旺請再加撥一百萬斤
俟運足仍將尖山厥銅給外省採買一銅運
宜歸大路以杜停留查湯丹等厥運京銅尋
東由尋甸起運東川一路陸運至昭通一由

永喜縣之黃草坪下船一由豆河關之塩井
渡下船尋甸一路陸運至威寧州抵川屬之
羅星渡下船水運抵瀘灘險停泊向多誤限
請堵小徑統歸大道按站設卡銅斤出厥編
號給照填明發運日期銅斤數目逐卡查驗
經由州縣按旬造報一外省辦銅宜定期咨
會以免守候各省委員在滇尙有三十五六
兩年未領額銅嗣後每年將各厥辦獲銅斤
除核運京局及本省鼓鑄餘銅若干勻撥各

省開單咨會令委員領銀來滇隨到隨給金
銀廠銅旺賸色稍低定例高低搭配惟貴州
咨請改撥請照各省例畫一配給一外省運
費宜寄貯司庫向例各省銅本解交雲南藩
司脚價聽委員收貯赴廠領運每以守候需
時遂貸人取利或販物營私至領銅不能起
運請嗣後各省所發運脚銅本併貯滇南藩
庫俟撥定廠分銅數核明給發地方官代雇
夫馬以速銅運一廣植材木裕用滇省以開

種存案十年後准剪伐售賣補種新樹照則
陞利管業有益厥灶下部議行三十八年七
月時湯丹碌祿等四場積欠甚多湖與總督
彰寶奏請在應領工本內每銅百斤扣銀五
錢戶部以辦銅拮据議駁

勅令湖等熟籌另議尋奏請照黔省例概以
餘銅一分聽廠民通商自售以裕成本生計
所採銅供京局添爐加卯帶鑄歲可收息二

萬餘兩卽以扣歸四場積欠十三萬九千餘兩之數不過七年可以清理

詔可十月奏言省局積存息錢十八萬八千餘串請放給兵餉撥充銅本減爐二十五座每爐酌減八卯節省之銅卽撥濟隣省從之三十九年五月以辦理金川兵妥速議敘加一級九月奏言白琅黑安四塩井薪本運脚不敷督臣彰寶已奏增賣價撥補惟迤西迤南各小井煎辦尙形拮据按版恩耕抱母香

塩磨脂等十一井購材違彌涉井原定薪本不敷雲龍井涵原短塞草溪井煎辦積壓請於賣價每塩百斤增銀三錢以銷售之有餘補薪課之不足原定薪本每塩百斤加銀二錢以紓民力雲龍井額塩內酌減二十萬斤草溪井酌減十五萬斤卽于威遠等州縣加價內撥補足額有盈無絀下部議行四十年二月以容隱彰寶貪婪部議革職

諭曰李湖前在直隸任內辦事頗屬認真朕

漢名臣傳卷三十二
特加賞識彼時直隸大員如方觀成周元禮
於實力辦公之外兼辦差務惟李湖在直則
專畱心地方吏治似不以辦差爲急務而其
受朕鑒賞轉在此也嗣以加恩擢用自應倍
加奮勉以副委任乃自簡任滇撫以來諸事
竟遠遜于前卽如籌辦銅斤酌撥銅欸等案
屢經戶部指駁其不能實心任事可知節次
傳旨申飭念其尙屬因公錯誤暫爲姑容今
彰寶于保山縣令王錫取用什物等項計銀

四萬餘兩之多李湖同在滇省豈竟漫無見
聞乃隱忍緘默從無一字奏及其心尙可問
耶李湖着革任帶布政使銜自備資斧前往
四川軍營會同鄂寶等辦理軍需奏銷事務
四十三年授湖南巡撫四十五年調任廣東
廣東素多盜番禹之沙灣菱塘近大洋綿亘
百數十里尤稱盜藪假風便捕魚出洋肆劫
或散布內地行劫湖莅任會同督臣巴延三
籌訪各盜姓名居址出入途徑偵各盜首以

七月望前歸家設祀密飭文武官預分捕役旬日間拏誅盜首二百餘人疏至

上嘉之議敘加一級四十六年條奏安輯章程一沙灣南岸市橋村北岸新造墟向設巡檢各一分司緝捕南村駐縣丞一秩微不足彈壓請移同知一員任菱塘沙灣適中之坑頭村兩巡檢可隨時調遣遇盜警會石碁營并堵緝一沙菱涌口甚多石碁村逼臨獅子洋爲舟行總滙請立專營以扼其要一石碁

水師汎房並列村內宜移涌口旁易于盤詰水陸各汎酌添弁兵一石碁營在陸路汎地俱屬水鄉宜設櫓船快槳船各一官涌口市頭村石壁汎各設快獎船一市橋汎設四櫓船一令千把總帶兵巡緝一菱塘涌口無船汎與內河巡船不相接連應令左翼鎮派樓船一配兵巡徼一移駐汎兵挈眷遷徙每兵酌給房二間一各村兵船令沙菱巡檢編號給印照刊船戶姓名俾一望瞭然凡大船櫟

頭七尺以上者限用四槳小船六尺以下用
兩槳禁民間私造洋船一新設移駐各員必
久任專其責成請在外揀調照海疆例五年
俸滿保陞遇有盜案文職以巡檢爲專管
員爲兼轄武職以千把外委爲專管守備爲
兼轄將領爲統轄如失察沙莪民人偷越各
屬行劫照失察奸民出口例叅處一石碁村
有鼠山又有土堆形同田鼠性善竊故多盜
請剷毀鑄鉄貓鎮壓以順輿情下部議行十

一月卒

諭曰廣東巡撫李瀚老成練達才守兼優簡
任巡撫以來辦理地方事務實心實力正資
倚畀茲聞溘逝深爲軫惜着加恩晉贈尙書
銜其任內降革處分並予開復應得卹典該
部核議具奏

賜祭塋如例謚恭毅入祀賢良祠四十九年
恩授其子李采爲內閣中書

宮兆麟列傳

宮兆麟安徽懷遠人由貢生捐授湖北安陸府通判乾隆十六年遷江西南昌府同知十八年遷福建興化府知府二十七年遷山東濟東道二十八年調山東糧道三十一年六月遷湖南按察使時桂陽州民侯七郎毆斃大功服兄侯嶽添賄其兄侯學添誣服知州張宏燧草率定讞巡撫李因培駁審適調福建奏明案多可疑

勅新任巡撫常鈞詳訊兆麟鞠實審解會審

官窺常鈞庇宏燧多觀望常鈞以兆麟不與會審承審各員聯銜會印侯七郎又極口呼冤奏另委審兆麟亦以侯七郎實係正克侯學添得賄頂兇入告

命侍郎期成額會湖廣總督定長審理尋訊明正克侯七郎抵罪宏燧迴護原招故出人罪擬流會審知縣李蒔等革職

命常鈞來京方案之既定猶未入奏也兆麟以長沙府知府李拔所訪宏燧買金託湖北

藩司赫昇額行賄翻案審稟期成額等奏
聞逮訊宏燧無買金行賄事其差借武陵縣
銀五千係迎合巡撫李因培藩司赫昇額抵
解桂陽代完武陵泰草知縣馮其柘虧空因
盡得赫昇額前任湖南藩司與宏燧交結保
薦宏燧常鈞遂題陞知州狀均議斬詳因培
傳常鈞奉

旨草職三十二年兆麟調雲南按察使三十
三年三月遷雲南布政使十月擢廣西巡撫

三十四年雲南軍營需硝

勅兆麟籌辦四月奏言廣西歲產硝八萬四
千餘斤除各營製火藥歲餘八千五百餘斤
臣先將舊存硝七萬七千餘斤解至剝隘交
滇員查收復于通省各營額貯火藥五十二
萬九千餘斤內撥二十萬一併運滇所需製
備工價運價核實咨滇解粵歸款庶免遲延
並省到滇製配得

旨嘉允十二月調湖南巡撫三十五年三月

調貴州巡撫時桐梓縣刁民聚眾滋事

命速赴任緝捕兆麟會同

欽差湖廣總督吳達善等緝獲正法復奏言
起釁由桐梓縣協辦兵差撥畝派馬眾疑董
事紳士有侵漁弊一唱百和釀成大家奸民
聚眾罪有應得州縣遇派辦公事亦當防董
事侵漁早爲清算使知派皆實用疑釋心平
乃置之不問地方官之闕茸可見貴州兵差
大概皆然臣飭各府督州縣將兵差領公項

若干派民若干有無餘剩勒限算清書簿傳
紳士保甲同董事查閱使百姓曉然仍詳報
查核不卽清算者奏革

上是之七月古州党堆寨逆苗香要等不法
偕吳達善等督兵捕誅之

上以所辦迅速妥善議敘加一級兆麟因條
奏善後事宜一下江營四面皆苗南界廣西
爲古州扼要地舊設兵五百餘撥兩妹西山
及各塘汛存城兵止二百三十請撥古州鎮

標兵二百移駐下江營一定且營在古州上
遊山後皆生苗原設兵二百六十除安設塘
汛只存兵百九十五請添設古州鎮標兵一
百駐防一下江城原設吏目一秩卑不足彈
壓應汰請移貴陽府通判駐下江隸黎平府
分撥古州廳屬下江一帶苗寨令管理其吏
目經理兵米卽交通判支放定爲苗疆久任
要缺在外揀補一党堆寨苗民老响以阻香
要謀殺土弁所差全家遇害臣令于寨地廟

祀並將其死義被旌及香要等叛逆伏誅用
苗語譯出榜于廟使眾歲時展拜知警一下
江營向有牆圍四百三十丈高一丈內駐兵
三百餘戶日久牆傾臣等捐修改立土城得
旨如所議行九月奏言本年入夏米昂臣飭
屬將常平倉米不拘存七糶三之數減價濟
民查通省貯米八千三萬餘石今自三月開
糶至七月各處倉儲皆虛查卽俗廳龍泉修
文安平清縣普安安南遵義桐梓酉陽甕安

湄潭十一縣開州永寧平遠黔西正安五州
向有餘米三萬四千餘石畱爲上年平糶交
價解存道庫前撫臣圖爾炳阿奏明改征折
色貴州山多不通舟楫與其征收折色多糶
常平不若仍征本色畱備下年平糶少糶常
平則採買亦少民免苦累倉廩亦不至有虛
懸奏入

報聞先是四五月間兆麟請于隣省湖南四
川廣西買米運黔糶濟至秋豐收復請停運

上飭其冒昧于前最令以遇事須要詳籌兆
麟又奏請

簡發知府三員赴黔

諭曰知府有董察屬員之責民生吏治攸關
簡用時特加詳審若如官兆麟所奏勢必將
部中分別繁簡司員發往此端一開各省效
尤踵至需人日多不特遇有要缺簡用無人
並于吏部選法有碍且此等發往人員既在
外省其權皆在督撫倘因得缺稍遲或擇缺

漢名臣傳卷三十二
義惡必至賓祿請託遂開倖進之門宮兆麟
率尔陳奏殊不可解傳旨嚴行申飭十月
諭曰宮兆麟自調任黔省以來觀其所辦諸
事時露輕率冒昧之意如前此奏請簡發候
補知府及停發兵米二事未能詳度事理率
意陳奏業經降旨訓飭昨觀音保到京履審
事竣因與該撫曾經共事令軍機大臣傳旨
詢問該撫居官如何據稱宮兆麟爲人粗率
喜于自誇遇事不能精細其言實屬切當看

來官兆麟之爲人應對是其所長而于辦事
殊少實際是以外間有缺嘴之號朕亦頗有
所聞巡撫爲封疆大臣責任綦重倘遇事不
能審慎精密徒以口給便捷爲能必致貽誤
公務卽如觀音保在藩司中歷任有年朕因
其人粗率是以未經擢用巡撫今粗率如觀
音保尙以宮兆麟爲粗率則其氣息更甚又
不問可知矣但該撫現在未蹈罪愆猶當加
以諄切訓誨使知所悛改著傳諭宮兆麟速

行猛省痛改前非凡事實心實力出以持重
周詳毋謂既得巡撫竟自志足意滿一任誇
張痼疾不能力圖懲創以致自貽伊戚悔之
無及也十一月

命來京陛見尋降補甘肅按察使三十六年
二月

諭曰去秋宮兆麟奏屬員賢否摺稱金祖靜
兩耳重聽因臬司爲刑名總匯若果耳聾卽
于聽斷非宜傳諭宮兆麟俟三寶回黔後卽

令金祖靜來京初不必告之以故今日閱金
祖靜摺則稱撫臣恭錄廷寄轉行宮兆麟所
辦甚屬錯謬寄信諭旨理宜愼密豈可輕洩
于人若抄錄轉行則更無此情理前因宮兆
麟在湖南臬司任內辦事尙能認真是以特
加擢用及簡任巡撫以來見其辦事粗率動
多舛誤看來不過專恃口給毫無實際之人
難勝封疆重任因將伊降補臬司尙不意其
糊塗不曉事竟至于此昨來行在召見看其

精力亦漸就衰恐並不能如前此之奮勉着
傳諭明山侯官兆麟到任後傳旨申飭並爲
醫心察看如其辦事仍不着緊要或神氣日
漸衰頹卽據實奏聞毋稍徇隱三月以貴州
巡撫任內失察廠員王藻元等虧欠鉛斤革
職回籍十一年三月

上東巡兆麟迎

鑒

詔給三品銜四十六年卒

胡煦列傳

胡煦河南光山人初任安陽縣教諭康熙五
十一年進士改庶吉士五十二年授檢討五
十三年正月

召見于乾清宮書圖講易奏對稱
旨

命直南書房同大學士李光地分纂周易折
中五十四年正月在

蒙養齋行走五十六年正月預修卜筮精蘊

六月充湖北鄉試正考官五十七年三月遷
司經局洗馬八月預修小茲彙義十二月轉
鴻臚寺少卿六十一年三月遷光祿寺少卿
十二月遷鴻臚寺卿雍正元年正月擢內閣
學士八月
命往盛京審理私創人參各案同刑部侍郎
馬晉泰錄囚百五十八人論罪如律
諭曰刑部禁止私創人參舊例不論已得未
得俱解送刑部往返拖累故于盛京刑部監

禁每年差官前往審理朕思伊等俱係圖利
窮民春夏被獲監至九月十月方得審結延
挨日月身受寒暑甚屬可憫寧古塔有將軍
辦事御史盛京有將軍刑部併副都御史永
福嗣後各地方所獲者卽審理速結年底彙
奏將審理偷創人參之部院堂官停其遣往
二年正月

命祭告少昊等陵四月充順天武鄉試副考
官五年三月擢兵部右侍郎九月充武會試

知貢舉十月兼署禮部侍郎六年兼副都御史事二月教習庶吉士十月協辦禮部侍郎事七年九月充順天武鄉試正考官八年六月
尚書房行走充明史總裁官會試知貢舉九年正月授禮部右侍郎六月以年老衰庸革職十年六月河東總督田文鏡劾煦長子孟基本邱姓子冒胡姓中式舉人部議斥革乾隆元年八月煦詣

閔

召見

諭曰原任侍郎胡煦年逾八旬服官年久着賞給原銜回籍其繼子胡孟基復還舉人幼子胡季堂賞給蔭生入監讀書以示朕眷念舊臣至意九月卒

諭曰胡煦在京病故賞給銀五百兩經理其喪事應得卹典察例具奏

賜祭葬如例二十五年河南巡撫胡寶瑤疏

請入祀鄉賢祠三十七年

詔徵天下遺書河南巡撫何焯以所購書目呈進

諭曰何焯奏覆購訪遺書一摺並將購得書籍目錄開單進呈因憶籍隸該省原任侍郎胡煦平素究心理學會有著述朕所深知今單內並不見其姓名傳諭何焯再悉心蒐求彙單具奏季堂時官江蘇按察使奏請以其父所著周易函書約存十八卷約註十八卷

別集十六卷卜法詳考四卷校定由原籍彙奏季堂現官刑部尚書

鄭大進列傳

鄭大進廣東揭陽人乾隆元年進士十年授直隸肥鄉縣知縣十二年調南皮縣十六年遷大名府同知丁父憂服闋補河間府同知二十年調北運河同知二十二年遷正定府知府二十九年遷山東濟東道時高塘莊平等縣積雨漲阻道路大進相度宣洩巡撫崔

應階疏薦其能遷兩淮鹽運使三十六年丁母憂服闋

諭曰鄭大進歷任道府運使尙能辦事現在服闋來至熱河着卽前往浙江署理按察使事務尋授湖南按察使四十年遷貴州布政使四十三年正月擢河南巡撫七月河決儀封考城以所奏涉掩飾部議降三級調用詔畱任又以堵築時和驛八堡水涌工塌降二級畱任四十四年正月調湖北巡撫十二

月署湖廣總督奏言湖北安陸荊州二府濱襄江川江借堤垸爲衛今夏漲發鍾祥潛江荊門江陵等縣堤潰已一律趨修惟潛江之長一垸地窪沙積原處築堤難固應于地勢較高之董家堤按老堤之楊家巷至鎮龍山築月堤一道鍾祥縣之浪堤垸地頂衝應自永興垸起至保安垸止築月堤俾水發江寬不致地逼受衝劉家巷堤在殷家灣草廟之間漲刷堤身一併修築估工費銀七萬八千

餘兩借帑委員領辦分年征還歸欵

報聞四十五年二月奏言武昌郡城濱江荆襄水滙流繞城而東沿江石岸冲卸上年連次水發汕刷堤根虛懸應于現修武昌城工時併修免致水浸城根下所司知之四十六年正月奏荆關設口岸十一處關書隸役多土著應照乾隆六年以前交該道府經理臣等會奏分別保畱更替每年奏銷由關員造冊送督臣核奏其監督養廉應裁從之三月

疏言楚省邪教貽害風俗前督臣班第奏請酌量枷責完結原係就事權衡使愚民不致株連而收令往往視同自理詞訟率不通詳請嗣後俱據實通稟聽院司核辦其諱匿及曲法輕縱者嚴叅

上是之四月奏言通城縣額征漕糧三千六百餘石由縣境溪河轉運冬春水涸灘阻工費人勞請照通山當陽二縣例征銀解貯藩庫以近水之武昌黃岡等縣漕耗餘米撥兌

漕船足額下部議行十一月授直隸總督
命赴永定河下口查勘河工奏言六工以下
河身內向有居民乾隆十五年給價遷移嗣
因下口改流奏令覈回繳原給房價減糧地
畝照舊征收茲查永定河南北兩岸自頭工
至六工邨庄已盡遷移六工以下水勢遷徙
靡常屢將北埝改築展寬現今修守之北堤
與原設之南堤遙隔五千餘里其中居民五
十餘邨水漲卽以船爲家當令遷移以清河

流臣勘明永清縣內柳坨等邨共旂民二百
八戶已勘定地址飭令陸續移居其河身較
遠之邨仍准暫住禁築堤修房以杜佔居之
弊

報聞四十七年二月

賞戴花翎及黃馬褂五月奏言保定省城九
龍河發源望都縣九龍泉經由清苑縣張登
鎮安州之依城河新安之長流河至任邱之
十一橋入淀年久積淤自望都縣之響閘及

漢名臣傳卷三十二
殷家營高嶺邨三閘外中間相隔綿長六十餘里瀉若建瓴請于望都之樊邨建石閘一清苑之再邨鄧邨營頭邨建石閘三其望都之舊閘三座清苑之石橋十座圯者修葺低者增高鎮安新安等州縣亦多淺阻均宜一律疏濬從之八月加太子少傅十月卒
諭曰直隸總督鄭大進老成練達宣力有年簡擢畿封正資倚任茲聞溘逝深爲軫惜應得卹典該部查例具奏

賜祭葬如例謚勤恪

吳士功列傳

吳士功河南光州人雍正十一年進士改庶吉士乾隆元年散館改吏部主事游遷郎中四年遷監察御史巡視南漕五年五月疏劾漕標遊擊田三省貪婪得旨交總督赫玉麟鞠實擬罪如律十二月巡視南城奏言各省督撫奏請帶往人員雍正六年

諭令俱着回京請旨另用近部院大臣簡用督撫有奏請將所屬司員帶往以道府等官題補若爲地方起見未到任之先于該省地方情形尚未深悉何由知道府等缺必伊帶往之人方克勝任若爲人才起見果係廉幹可勝任道府之員無難據實保奏不拘省分皆可量才酌用何必以伊所奏之人帶往伊該管省分自行題補督撫縱公正無私而於隨帶人員託爲心腹寄以耳目恐偏聽之弊

安知到省屬員不私相交結希爲先容以取悅上官請嗣後仍照舊例概行停止下部議行六年御史觀音保奏士功等徇庇南城指揮郭從儀

勒都察院會同吏部查奏尋奏郭從儀違制用刑士功等卽行指叅並無徇庇得

旨觀音保降二級調用三月御史仲永檀奏向來密奏留中事件多洩漏

上勅王大臣詢問永檀舉出土功叅奏尙書

史貽直

諭曰番中密摺宣洩于外伊既舉出吳士功
參奏史貽直一件查上年吳士功果有此奏
現交王大臣查詢翌日又

諭曰朕諭旨一道御史吳士功參奏尙書史
貽直一摺目今姑且不完着與二人閱看後
封貯內閣若伊等將來不知悔改再有過犯
將此取出一併從重處分七年授山東濟東
泰武道八年九月丁繼母憂十二年服闋補

直隸大名道十二年調山東兗沂曹道十三
年正月調湖南糧道山東巡撫阿里衮奏留
辦理賑務尋復以士功端方練達熟悉民情
奏留山東閏七月

詔調山東糧道十四年遷山東鹽運使十九
年遷陝西按察使十月以辦理軍務台站議
敘加一級二十一年調湖北按察使二十二
年三月以前在陝西辦理馬匹議敘加一級
七月

漢名臣傳卷三十二
上以豫省災賑平糶需米

勅下江西湖北巡撫在該省相近河南各州縣倉貯內酌撥運交豫省收貯其動撥穀數卽將本年應運漕糧截留歸款士功時護理湖北巡撫奏湖北本年額征應運漕米十五萬一千一百餘石遵

旨截留歸款楚地潮濕米難久貯請以一米改收二穀還倉本年既經截漕所有隨漕征解銀除應給減歇丁船等項米折銀兩並折

色月糧外其餘無需支解各款及節省漕糧水脚共銀四萬一千九百餘兩請卽爲撥運豫米之用豫米現卽開運先借支司庫公項俟各屬解到截漕銀照數歸款疏入報

聞是月遷陝西布政使十月護理陝西巡撫十一日奏宜君榆林葭州懷遠府谷神木靖邊寧遠各州縣先旱後潦督臣黃廷桂奏撥寧夏米麥五萬石分賑懷遠靖邊等縣自寧赴陝中區黃河沿邊早寒河水卽難挽運臣

漢名目 卷三十一
先期飭催早運抵陝其奏撥緩德米脂清澗
吳堡四州縣米二萬石協濟榆林葭州山路
崎嶇冰雪載塗更難駛運蒼黎待哺孔亟臣
飭添雇騾駝趕運俾早沾實惠
諭令竭力妥爲之是月調直隸布政使奏藩
庫錢銀交代新任接收出結督撫盤查保題
定例甚嚴但日久視爲具文請嗣後撫藩離
任奏請陛見之日卽將在任庫項會否挪借
有無虧空之處另摺附奏其或在任不久調

補遠省資斧不足欲借庫項者一併據實陳
奏新任撫藩接印後亦于交代限內另摺奏
聞仍照例出結保題則挪借之積弊可除
上以所奏簡而易行着爲例二十三年三月
仍調任陝西護理巡撫印未幾擢福建巡撫
諭俟新撫鐘音到陝後再赴福建新任四月
奏延安府兵糈向例各縣民運交府倉分防
弁兵赴府支領山高路遠往返五六百里民
運赴府費倍正供兵領回縣耗費過半查甘

漢名臣傳卷三十二
泉宜川延安俱駐弁兵請將四縣民糧各在本縣征收支給本縣汛兵從之六月奏隴州沂陽縣跬步皆山歲征屯豆五百四十九石有奇鄉民赴城完納往返需費不貲現今積豆萬餘石本地營汛既不動用隣封難資協濟商賈不願販雜與其坐視霉爛莫若改征折色請于二十三年爲始每石改征銀六錢五分解司充餉舊存豆召糴銀報部從之八月莅福建任二十四年四月奏言私鑄

錢文質有銅鉛之別宜按錢數多寡定罪乾隆九年刑部議准福建按察使王廷諤條奏私鑄鉛錢不及十千之犯照例聲明請旨發遣二十二年九卿定議私鑄銅錢不及十千者照情有可原免罪減等例改發巴里坤等處種地蒙

恩俞允查閩省有私鑄鉛錢不及十千之犯從前未與末減概擬絞監候伏思鉛錢非銅錢可比不久卽成無用其中已停復鑄者情

漢名目傳卷三十一
罪較重仍擬絞候其偶然私鑄鉛錢不及十千較私鑄銅錢不及十千之犯情罪更輕請照例發遣給官兵爲奴俾墾田効力下部議行六月奏緝獲南洲巨盜劉良福等十八人附近匪竊七十餘人

諭曰閩省地屬海疆民風素悍南洲濱水向有積匪恃爲淵藪正當力爲懲創以除稔惡而衛商民該撫等能董率屬員設法緝捕盜不能漏網深屬可嘉下部議叙加一級入

月與總督楊廷璋奏請酌改南洲塘汛及巡哨章程詳見廷璋傳十一月奏言閩屬城聞皆由地方官遇民詞不早審結釀成命案臣發給冊式令各州縣將審結讞語挨日填註按月冊報臣隨時駁正記其優劣一載以來群知奮勉案件隨到隨結可免拖累滋事上嘉之十二月奏言閩省九府二州積年平糶常平缺額穀三十一萬八千六百餘石已買足還倉台灣府屬積年平糶未買穀十五

漢名目傳卷三十二
萬二千一百石令如數買補又收捐監穀積
貯加多而浙西歉收來春需糶濟民食臣酌
撥台灣十萬石聽浙江招商運賑因風汎不
便先以內地沿海府縣穀撥給使台灣穀運
到還倉一轉移間無妨于閩有益于浙

諭曰此汝認真妥辦所致可嘉也二十五年
二月奏言寄居台灣皆閩粵海濱民人前任
巡撫鄂彌達奏請有立業台灣愿入籍者准
呈明給照搬眷入台嗣經督臣郝玉麟以流

寓民眷均已搬取奏請于乾隆五年停止十
二年督臣喀爾吉善復奏請定限一年後不
准給照迄今十有餘年禁絕往來愚民多冒
險偷渡臣一年中盤獲偷渡民人二十五案
男婦九百九十名口分別遞回原籍已經發
覺者如此其偷渡在洋被害者更不知凡幾
伏思內外民人均

朝廷赤子向之在台爲匪者悉隻身無賴若
既報墾立業必顧惜身家各思保聚請嗣後

在台立業良民有的屬在內地者許先在台
灣該管廳縣冊報眷口姓名年歲移原籍查
覆到日該管道府給路照回籍搬接過台其
內地的屬有欲過台完聚先由內地該管州
縣造冊移明台地確查覆到詳請給照過台
責成廈門同知及汛員遇過台眷口驗明人
照相符放行如人照不符濫行給照汛員文
武官失察徇隱者叅處庶良民不敢僥倖行
險地方官自顧考成防範嚴明海防民生均

有裨益下部議行三月奏信提督鎮臣率文
武官緝獲行劫馬頭山盜犯林成功等及夥
犯五千餘人

諭曰汝等文武如此和衷協力何愁地方不
安靖也甚屬可嘉五月條奏稽查濱海漁船
事宜一漁船應取船主澳保甲結也嗣後漁
船赴縣領照先取族鄰澳甲保結令船主開
具年貌籍貫出具不敢爲匪甘結核明入照
並取十船連環互結存案查驗放行一漁船

漢名目傳卷三十二
出口逾期不還應責澳甲船主查報也查漁船例于三月中旬四月下旬出口至五七等月回棹九月十月出口年底回棹向多逗遛滋事應責令澳甲船主先向進口漁船查明未回漁船現泊何處因何未回稟地方官移營押回澳甲船主不稟分別治罪一漁船帶貨應行稽查也漁船捕魚爲業非比商賈貿易卽偶有攜帶應令赴置貨地方洗口驗明給單如單外攜帶多貨沿海汎員查出移縣

查明來歷一商漁船隻應于帆檣大書名號也嗣後應令各船于帆檣照原編字號書福建某府某縣某號船戶某人或商船戶某人大書深刻令遠望瞭然便于稽查如無帆檣字號或與船照不符者根究拏捕庶匪舟無從匿跡

諭曰立法可謂詳明行之尤宜實力又奏言泉州府屬惠安縣西北環山東南面海所轄良興梅峯仙塘竹溪等十二舖延袤四十里

漢名目傳卷三十二
去縣治遠請移仙遊縣白嶺司巡檢駐良興
舖之前塗部議允行尋以閩俗械鬪多大族
欺凌小族疏請

敕部定議如雨造各恃人眾致傷多命者照
例入情實其族小戶丁少被大姓欺凌克毆
情急抵禦者照尋常開毆擬緩決其恃強糾
眾欺凌小戶復斃多命仍擬情實部議駁
諭曰刑部議駁吳士功條奏械鬪案件請分
別戶族強弱辦理一摺部臣所見甚是閩省

地處海濱民風刁悍聚眾械鬪最爲向來
俗該撫身任封疆正當執法鋤奸務在安善
良而移風俗乃欲將族大族小分立科條使
械鬪者以趨避其詞而司讞者因而高下其
手是欲博莠碩之浮譽而不知守弼教之常
經法司所指伊尙能置喙乎吳士功自任巡
撫以來辦理事件時露沽名習氣非明切訓
示恐日久竟成痼疾悔之已晚試思朕慎持
國憲臣工內有能條奏敷陳巧爲嘗試者卽

着傳諭該撫令其刻自提撕慎勿故智復萌
自貽伊戚二十六年正月總督楊廷璋劾提
督馬龍圖挪用存營公項銀
命解龍圖任交廷璋會同士功嚴審定擬五
月會奏嚴鞫龍圖借用公項銀已于委員盤
查時歸補應照知人欲告而自首例減罪二
等擬杖徒

諭曰此案馬龍圖于未經查叅之前預爲彌
補捷實檢舉謂之自首尙屬有因今聞敗露

始多方攢奏抵項且將登記數簿扯毀焚燒
另造私冊掩飾則于先侵後吐之外又增一
舞文之弊矣此而謂之自首凡前此所辦侵
貪重案歷歷可數誰非于發覺後冀圖挪補
卸罪者何不皆以自首貸之有如此失出之
理乎方朕御極之初此種伎倆尙不肯爲其
所愚今臨御二十六年辦理案件一切情僞
知之熟矣乃欲以三尺之童不能售其欺者
竟敢于朕前常試將視朕爲何如主乎從來

外省泰案例稱督泰撫審此案立意必且出自吳士功而該督楊廷璋遂因而附和之耳獨不思博虛名而弛法紀朕豈能置之不問者吳士功縱不自惜楊廷璋又何爲自以身命殉之乎此案斷無兩人同聲之理究係先出何人之意着該督撫據實明白回奏尋覆奏定案係楊廷璋主稿而督泰撫審吳士功實爲主政有往來商確原札可核
諭曰吳士功身爲巡撫以提督大員營私舞

弊此何等重案乃敢妄逞伎倆欲從中高下其手且明目張胆冀于朕前直售其欺居心尚可問乎卽據扎內所稱幕友據引例文云云欲楊廷璋酌定之處尤堪駭異楊廷璋吳士功爲封疆大臣卽馬龍圖亦提督大臣豈有二人胸中竟無定見悉借幕友主張此語豈可觀顏告之同官奏之君父者其曲意幹旋不問可知况原審內有事前彌補之說朕核參將姚應慶供內該犯定媳送聘借銀五


百兩曾于養廉項下扣清此項銀兩于未經
叅奏之前預爲彌補尙可自稱事前至買辦
燕窩等銀一千餘兩俱係盤查時攬湊抵項
且扯毀數簿以私冊掩飾其爲事敗假捏更
何待言如此而猶欲以自首脫罪有是理乎
朕臨御二十六年歷事不少人之情僞素所
洞悉吳士功本係張廷玉用人其生平貌爲
直戇而城府甚深亦眾所共曉第以其人尙
小有才且歷外任年久巡撫缺出一時不得

其人因而擢用乃伊一得志又以閩省去京
稍遠卽肆無忌憚卽如伊向因與張廷玉甚
厚未免有得罪史貽直之處今又與史貽昂
修好以冀改釋前恨則其人之居心邪正亦
從可知矣朕本欲爲之隱惡揚善而伊乃敢
顯爲此攬權嘗試之計此而付之不問朕又
將何以用人吳士功着革職發往巴理坤自
備資斧効力贖罪二十七年四月
諭曰據楊廷璋德福奏查閩縣民楊魁等假

漢名臣傳卷三十一
控偽寶敕書承襲世襲一案先經呈投撫標
効力原任巡撫吳士功爲撫臣敕書既經目
驗何以懵然不省撫署內又豈無檔案可以
查核一任惡犯玩弄若此其所司果何事耶
着傳諭已理坤辦事大臣永寧等面詰吳士
功令其據實奏覆並令自揣應得處分卽行
贖罪自効五月永寧等覆奏士功稱罪無可
追年已就衰情愿捐銀贖罪交直隸藩庫修
理城工

諭曰吳士功歷任大員身罹罪譴若干斥退
之後卽得優遊事外則虛糜廩祿不思奮勉
者轉自以爲得計且此輩歷任所得養廉無
非國帑民膏捐資贖罪情法亦屬允協豫省
現有應修城工卽係伊桑梓之地此項贖罪
銀兩卽交與河南巡撫胡寶瑤收存藩庫以
爲辦理城工費用吳士功着加恩准其回籍
二十年九月故子玉綸官至兵部右侍郎以
曾任福建學政聲名平常降授檢討

漢書卷三十二終



漢書卷三十二終

天保三



